



Ғарышкерлерді құтқару, ғарышкерлерді қайтару және ғарыш кеңістігіне жіберілген объектілерді қайтару туралы келісімге Қазақстан Республикасының қосылуы туралы

Қазақстан Республикасының Заңы 1997 жылғы 15 мамыр N 106

1968 жылғы 22 сәуірде Мәскеу, Лондон және Вашингтон қалаларында қол қойылған Ғарышкерлерді құтқару, ғарышкерлерді қайтару және ғарыш кеңістігіне жіберілген объектілерді қайтару туралы келісімге Қазақстан Республикасы қосылсын.

Қазақстан Республикасының
Президенті

Ғарышкерлерді құтқару, ғарышкерлердің қайта оралуы
және ғарыш кеңістігіне жіберілген объектілердің қайтып
оралуы туралы
К Е Л І С І М

Уағдаласушы Тараптар

ғарышкерлерге авария, қасірет немесе амалсыз қону жағдайында, ғарышкерлердің қауіпсіз дереу оралуына және ғарыш кеңістігіне жіберілген объектілердің оралуына барынша көмек көрсетуге арналған Мемлекеттердің Айды және басқа да аспан денелерін қоса алғанда, ғарыш кеңістігін зерттеу және пайдалану жөніндегі қызметінің принциптері

туралы шарттың маңызды мәнін атап өте отырып,

бұл міндеттемелерді дамытуға және одан әрі нақтылауға ұмтыла отырып,

халықаралық ынтымақтастыққа ғарыш кеңістігін бейбіт зерттеу мен пайдалануда жәрдемдесуді тілей отырып,
ізгілік сезімін басшылыққа ала отырып,
төмендегі туралы келісті:

Егер ғарыш кемесінің экипажы аварияның, қасіреттің, амалсыз немесе алдын ала ойластырылмаған қонудың нәтижесінде Уағдаласушы Тараптың заңды құқығындағы аумаққа қонса немесе қандай да болмасын мемлекеттің заңды құқығындағы емес ашық теңізден немесе кез келген жерден табылса, ол қауіпсіздікте болуы және ұшыруды жүзеге асырған өкіметтер өкілдеріне дереу қайтарылуы тиіс.

1. Ғарыш объектісі немесе оның құрамдас бөліктері өзінің заңды құқығындағы аумаққа Жерге немесе қандай да болмасын мемлекеттің заңды құқығындағы емес ашық теңізге немесе кез келген орынға оралды деп мәлімет алған немесе анықтаған әрбір Уағдаласушы Тарап ұшыруды жүзеге асырған өкіметтерге және Біріккен Ұлттар Ұйымының Бас хатшысына хабарлайды.

2. Ғарыш объектісі немесе оның құрамдас бөліктері табылған аумаққа заңда құқығын жүзеге асыратын әрбір Уағдаласушы Тарап ұшыруды жүзеге асырған өкіметтердің өтініші бойынша және осы өкіметтердің көмегімен егер олар сұраса, осы объектіні немесе оның құрамдас бөліктерін құтқару үшін практикада жүзеге асыруға болады деп есептейтін шараларды қолданады.

3. Ұшыруды жүзеге асырған өкіметтердің өтініші бойынша, ғарыш кеңістігіне жіберілген объектілер немесе олардың құрамдас бөліктері ұшыруды жүзеге асырған өкіметтердің аумағынан тыс жерде табылса, ұшыруды жүзеге асырған осы өкіметтердің өкілдеріне қайтарылады, олар талап ету бойынша олардың қайтарылуына дейін айырым деректерін беруі тиіс немесе осындай өкілдердің билігіне беріледі.

4. Уағдаласушы Тарап осы баптың 2 және 3-тармақтарына қатыссыз, өзінің заңды құқығындағы аумақта табылған немесе ол қандай да болмасын басқа жерде құтқарған ғарыш объектісі немесе оның құрамдас бөліктер қауіпті немесе өзінің сипаты бойынша зиянды деп ойлауға негізі болса, бұл туралы ұшыруды жүзеге асырған өкіметтерге дереу хабарлай алады, олар зиян келтірудің мүмкін қаупін жою үшін аталған Уағдаласушы Тараптың басшылығымен және бақылауымен дереу тиімді шаралар қолданады.

5. Ғарыш объектісін немесе оның құрамдас бөліктерін табу мен қайтару жөніндегі міндеттемелерді орындау кезінде болған шығындарды осы баптың 2 және 3-тармақтарына сәйкес ұшыруды жүзеге асырған өкіметтер өтейді.

Осы Келісімнің мақсаттары үшін "Ұшыруды жүзеге асырған өкіметтер" аталымы

ұшыруға жауапты мемлекетке, немесе ұшыруға халықаралық үкіметаралық ұйым жауапты болған кезде осы халықаралық ұйым өзі осы Келісімде көзделген құқықтар мен міндеттерді қабылдағаны туралы мәлімдеген, және осы ұйымның көпшілік мүше мемлекеттері осы Келісімнің және мемлекеттердің Айды және басқа да аспан денелерін қоса алғанда, ғарыш кеңістігін зерттеу және пайдалану жөніндегі қызметінің принциптері туралы шарттың қатысушылары болып табылатын жағдайда осы халықаралық ұйымға қатысты.

7 - б а п

1. Осы Келісім барлық мемлекеттердің қол қоюы үшін ашық. Осы баптың 3-тармағына сәйкес осы Келісімнің күшіне енуіне дейін оған қол қоймаған кез келген мемлекет оған кез келген уақытта қосыла алады.

2. Осы Келісім оған қол қойған мемлекеттердің бекітуіне жатады. Бекіту грамоталары мен қосылуы туралы құжаттар Советтік Социалистік Республикалар Одағы, Ұлыбритания және Солтүстік Ирландия Құрама Корольдігі мен, Америка Құрама Штаттары үкіметтеріне сақтауға өткізілуі тиіс, олар осымен депозитарий үкіметтер ретінде тағайындалады.

3. Осы Келісім депозитарий үкіметтер ретінде тағайындалған үкіметтерді қоса алғанда, бес үкімет бекіту грамоталарын сақтауға өткізген соң күшіне енеді.

4. Осы Келісім күшіне енген соң бекіту грамоталары немесе қосылуы туралы құжаттары сақтауға өткізілетін мемлекеттер үшін ол олардың бекіту грамоталары немесе қосылуы туралы құжаттары сақтауға өткізілген күні күшіне енеді.

5. Депозитарий мемлекеттер осы Келісімге барлық қол қойғандарды және оған қосылған мемлекеттерді әрқайсысының қол қойған күні туралы, әрбір бекіту грамотасының және қосылуы туралы құжаттардың сақтауға өткізілген күні туралы, оның күшіне ену күні туралы, сондай-ақ басқа да хабарламалар туралы дереу хабарландырады.

6. Осы Келісімді Біріккен Ұлттар Ұйымы Жарғысының 102-бабына сәйкес депозитарий мемлекеттер тіркейді.

8 - б а п

Келісімнің кез келген қатысушы мемлекеті осы Келісімге түзетулер ұсына алады. Түзетулер осы түзетулерді қабылдаушы Келісімнің әрбір қатысушы мемлекеті үшін оларды Келісімнің көпшілік қатысушы мемлекеттері қабылдаған соң, Келісімнің әрбір қалған қатысушы мемлекеті үшін олар осы түзетулерді қабылдаған күні күшіне енеді.

9 - б а п

Келісімнің кез келген қатысушы мемлекеті өзінің Конвенциядан шығатыны туралы ол күшіне енген соң бір жылдан кейін депозитарий мемлекеттерді жазбаша хабарландыру жолымен мәлімдей алады. Мұндай шығу осы хабарламаны алған күннен бастап бір жыл өткен соң күшке ие болады.

1 0 - б а п

Орыс, ағылшын, француз, испан және қытай мәтіндері бірдей болып табылатын осы Келісім депозитарий мемлекеттердің архивтеріне сақтауға тапсырылады. Осы Келісімнің тиісті түрде куәландырылған көшірмелерін депозитарий үкіметтер Келісімге қол қойған және оған қосылған мемлекеттердің үкіметтеріне жіберетін болады.

ОСЫНЫ КУӘЛАНДЫРУҒА тиісті түрде уәкілеттік берілген төмендегі қол қоюшылар осы Келісімге қол қойды.

Москва, Лондон және Вашингтон қалаларында мың тоғыз жүз алпыс сегізінші жылы сәуірдің 22-і күні үш данада ЖАСАЛДЫ.

Ұлттық Аэроғарыш Агенттігі

Бас директорының орынбасары